

四庫全書

史部

欽定四庫全書

平定準噶爾方略續編卷二十三

乾隆二十八年十月乙酉

伊犁辦事副都統伊勒圖疏奏巡查哈薩克越境游牧并烏默爾等移駐伊犁情形

伊勒圖奏言臣接奉

諭旨令往特穆爾圖淖爾等處巡查哈薩克游牧并查詢楚穆訥爾地名在於何境臣即詢之前在

特穆爾圖淖爾等處游牧之厄魯特據稱哈薩克游牧之前地名西喇烏蘇哈薩克呼為西喇蘇其楚穆訥爾係一泉名源在吹之左近索和羅克哈喇巴勒塔地方又聞此等處常有哈薩克乘間游牧來去無定頃明瑞等業已遵

旨往查誠如

皇上洞鑒臣愚以為嗣後應出其不意兩路前往巡查南路自特穆爾圖淖爾之南由巴爾琿嶺至

塔拉斯吹地方北路沿伊犁河由古爾班阿里  
瑪圖至沙喇壁勒地方方能周徧再哈薩克烏  
默爾之弟爪特色楞伯特二人去歲入

### 覲蒙

恩賞給五品頂翎并准其移駐伊犁現在攜帶眷屬  
牲隻來至卡倫理應遵照所指之處居住乃妄  
稱與厄魯特同居不便欲於卡倫外和洛霍淞  
庫隴葵等處居住又稱無糧難以度日懇求給

與種種虛詞惟圖僥倖臣等詳細曉諭令於章  
什左近居住瓜特等又云去歲將軍成衮扎布

曾傳

諭旨烏默爾移駐伊犁後令於八月十五日至圍場  
朝見等語但詳聞成衮扎布移文並未提及其  
妄可知臣等留心察看俟烏默爾到時再與明  
瑞等定議如何給與游牧辦理具奏奏入報

聞

戊子

諭定邊左副將軍成袞扎布等安插自哈薩克逃出之厄魯特等事宜

上諭軍機大臣曰成袞扎布奏稱從哈薩克逃出之厄魯特沙鼐布庫瑪木特等酌擬曉諭都爾伯特烏梁海等附入安插等語現在伊犁編設厄魯特佐領著傳諭成袞扎布等即將沙鼐等解送伊犁安插嗣後再有此等遇解送馬匹牲畜之便一體

辦理不必專行送往

己亥

命議敘辦理奎素屯務員弁

上諭大學士曰楊應琚等奏稱辦理奎素屯田官兵甚屬奮勉請將千總劉如桂等交部議敘等語劉如桂田希華馬成宗劉廷柱楊天成俱交部議敘所有出力兵丁著賞給一月錢糧在屯遣犯著賞給一月口糧至原任佐領栢靈保千總常際春各

賞兵丁錢糧一分以示鼓勵

辛丑

命副都統李景高等往新疆辦事

上諭軍機大臣曰伊勒圖永瑞范時綬德爾格新疆  
辦事年久應派人更換伊犁大臣已有多人不須  
派換伊勒圖著即回京副都統李景高著往烏魯  
木齊頭等侍衛額爾德蒙額著往品河副都統高  
廷棟著往開展辦事更換永瑞等回京



丙午

命獎賞捐麥之伯克阿卜都拉等

上諭軍機大臣曰據素誠奏稱自阿克蘇往伊犁之  
回人其口糧本須採買今阿奇木伯克阿卜都拉  
等情願於官用八百石照數採買之外再行捐麥  
四百石摩羅和卓願捐麥一百石懇准其所請陸  
續解送等語阿卜都拉等感激朕恩願捐麥自効  
甚屬可嘉著交與素誠照例酌量獎賞

癸丑

諭定邊左副將軍成袞扎布等辦理哈薩克逃人事

宜

上諭軍機大臣曰明瑞等奏稱巡查塔爾巴噶台等處哈薩克汗阿布勒比斯來索逃往伊犁之厄魯特且言從前曾有給回之例臣等將阿布勒比斯斥責諭以準噶爾業已平定哈薩克等所獲之厄魯特理應收取但念爾等亦係臣僕未經辦理今

投至伊犁乃其故土如何稱係逃人并求降旨烏里雅蘇台將軍一體辦理等語明瑞所辦甚爲得體從前雖無彼此不留逃人之言但成衮扎布曾將自哈薩克逃出之厄魯特給回阿布勒比斯遂欲援以爲例著傳諭成衮扎布等嗣後遇此等事俱照明瑞等所辦駁之

十一月甲寅朔

申諭定邊左副將軍成衮扎布等嗣後哈薩克逃人

毋得給回

上諭軍機大臣曰昨明瑞奏哈薩克阿布勒比斯等索取逃入伊犁之厄魯特將阿布勒比斯嚴行駁飭所辦甚是已降旨成袞扎布嗣後悉照明瑞所辦毋許給回但成袞扎布等原奏因哈薩克脫逃之厄魯特伊等自行半路追獲且並未入我境內是以給伊領回若葉經逃入內地即哈薩克再四來告亦斷然不可給與著再傳諭成袞扎布明瑞

等遵照分別辦理仍將成衮扎布原奏寄明瑞等知之

一卯

以定邊左副將軍成衮扎布入覲

命叅贊大臣扎拉豐阿往烏里雅蘇台署理將軍印務副都統雅郎阿暫往科卜多辦事

戊午

命原任給事中塔坦前往烏里雅蘇台辦事更換富

勒賀回京

辛酉

陝甘總督楊應琚疏奏改設臺站事宜

楊應琚奏言臣由巴里坤閱看營伍沿途親勘各營站俱屬妥協惟自沙州至庫克沙什地有沙磧恐馬力不繼於適中之黃墩堡設立腰站今查得該處地方俱係窪下與其在黃墩堡設立腰站莫若將庫克沙什一臺移設土窩子地

方道路平坦里數亦屬相仿其黃墩堡腰站即可裁汰再自沽水至喀什布拉克約一百數十里俱係戈壁原於適中之紅柳碛設立腰站因井水味鹹難供汲飲故未安設正站今於紅柳碛四十里內訪有四道湖甜水用騾拉運一日可以往還應將紅柳碛改為正站奏入報

聞

丁卯

命駐劄新疆大臣准其攜帶家口

上諭軍機大臣曰現今西陲平定各該處大臣更番駐劄非從前軍營可比嗣後伊犁烏里雅蘇台喀什噶爾葉爾羌等處駐劄大臣有願帶家口者照各省將軍大臣例准其攜帶如不願者聽

命陞賞督造營房之叅將職銜吳士勝等

上命軍機大臣曰據旌額理等奏稱特訥格爾蓋造營房臣等派叅將銜之吳士勝督率綠旗兵二百



四十名於去年十一月起至今年九月止造成房屋一千三百十四間又以餘力修補特訥格爾及烏魯木齊兩處城郭等語吳士勝督兵造房甚屬奮勉著加恩補授叅將其兵丁等交旌額理等酌量賞給以示鼓勵

烏魯木齊辦事侍郎副都統旌額理等疏報挈眷移駐烏魯木齊兵丁全到日期

旌額理等奏言准總督楊應琚派員送來挈眷

移駐烏魯木齊兵丁五百二十二戶男婦一千七百九十六名口於十月十三日以前陸續到齊臣等隨發往特訥格爾令往新造兵房伊等目覩地畝收成生計豐裕皆欣然得所所有應行更換之員升照例遣回本營奏入報

聞

戊辰

命揀選侍衛五員發往喀什噶爾

上諭軍機大臣曰據納世通等奏稱喀什噶爾原派  
侍衛十五員現在缺少五員請揀選發往等語著  
領侍衛內大臣照例揀選帶領引見發往喀什噶  
爾以備差遣

己巳

恩賞索回逃人之

乾清門侍衛納旺並免領隊大臣五岱等失察處

分

上諭軍機大臣曰明瑞等奏稱納旺前往阿布勒比  
斯游牧索取厄魯特逃人鄂勒錫圖詳細諭以利  
害其屬人綽特拜畏懼將鄂勒錫圖獻出隨即帶  
回臣等傳集衆厄魯特數其逃竄之罪立行正法  
其失察之領隊大臣五岱等請交部察議等語納  
旺奮勉可嘉著賞緞二疋五岱等係初次失察著  
加恩免其交部

伊犁將軍明瑞等疏奏派定各城種地回人數

目及移駐兵丁車輛行走山路情形

明瑞等奏言據阿奇木公木薩回至伊犁呈稱  
應派各城種地回人一千五百戶派出阿克蘇  
二百七十戶烏什二百戶喀什噶爾三百戶葉  
爾羌和闐四百戶賽里木拜一百三十戶庫車  
沙雅爾一百五十戶哈喇沙爾多倫五十戶同  
員外郎挖穆齊圖按城分行驗看俱年壯可以  
効力之人其家口冊籍並行查核收明再所派

數內匠役二十六戶先行帶來製造器具應照  
例辦給口糧再臣等准涼州將軍巴祿咨稱涼  
州莊浪兵丁三千二百名挈眷移駐伊犁分作  
三年每年一起前往此項官兵皆坐車輛自涼  
州至晶河並無大山可以安行自晶河前去山  
嶺險峻務須酌定行走之處等因臣查晶河至  
托和木圖臺站尚可車行惟呼蘇圖布拉克臺  
站中間有一里不可行車又自塔爾巴噶台伯

欽定四庫全書

平定回疆方略卷二十三

勒齊爾臺站至閩勒奇阿瑞亦不可行車臣等  
向已勸諭往來商賈漸次修理平坦應再派官  
兵於中路崎嶇之處加意平治俾挈眷移駐兵  
丁到時無卸車馱負之累仍行知關展烏魯木  
齊等處大臣記奏入報

聞

伊犁將軍明瑞等疏奏會辦涼州莊浪兵丁移  
駐事宜

明瑞等奏言臣等於二月十五日欽奉

諭旨辦理涼州莊浪滿洲兵移駐伊犁事宜臣楊應  
琚即赴涼州會同巴祿將兵丁行裝各項逐一  
查明派員赴出產之地置備其餘銀兩照例至  
伊犁補給但新疆地方現有移駐之滿洲兵與  
索倫察哈爾兵人戶衆多物價未免昂貴臣等  
仰體

聖主惠愛兵民之至意往返札商與其厚利歸商莫



若令旗人分獲利息請將前項餘銀交臣已祿  
派委妥幹旗員臣楊應琚飭令地方官將日用  
必需物件從內地採辦購買載運牲隻車輛交  
三起移駐官兵陸續運至伊犁臣明瑞預辦房  
間開設店舖擇人掌管按月查訪市價酌平增  
減每年所得餘利一體均散兵丁以為買補馬  
匹修理器具之用於兵丁等久遠生計大有裨  
益奏入報

聞

癸酉

命議叙承辦三屯種地官員

上諭軍機大臣曰據伍彌泰奏稱三屯種地兵丁每  
兵種地二十畝現在收穫米麵十四石至十五石  
不等可否將辦理屯田官員及兵丁等加恩之處  
請旨等語著照所請官員等交部議敘兵丁各賞  
一月鹽菜銀兩以示獎勵

諭定邊左副將軍成衮扎布等曉示哈薩克屬下頭

目毋得遣使請安

上諭軍機大臣曰據成衮扎布等奏稱哈薩克哈喇巴魯克遣人請安並進獻馬匹哈薩克屬下微末頭目甚多不便令其任意行走理應曉諭遣回現派伊爾哈納令伊等暫駐卡倫臺站候旨遵行等語成衮扎布所辦甚是哈薩克阿布勒瑪木比特阿布賚等遣使來請朕安自應辦理護送若此種

微末頭目但可親身入覲何得亦稱遣使著傳諭  
成袞扎布即作伊等意見曉示哈喇巴魯克來使  
云爾等職位甚卑不敢遽令入覲至爾頭目遣爾  
等前來之處業已順便奏聞仍即行遣回再哈喇  
巴魯克所遣之人原向阿布賚領取文憑應將此  
情由一併傳諭阿布勒瑪木比特阿布賚等知之  
烏魯木齊辦事散秩大臣伍彌泰疏奏修造瑪  
納斯晶河等處橋梁

欽定四庫全書

卷二十三

伍彌泰奏言查瑪納斯晶河為明歲所遣駐防  
兵丁經由之路所有橋梁渡筏必須修造堅固  
臣於三月抵庫爾喀喇烏蘇已委員陸續修造  
現在農務俱畢應多派兵丁乘時伐樹修造橋  
梁並多備大木倘有冲塌之處即時修補奏入  
報

聞

丁丑

命革勒買哈薩克馬匹之二等侍衛穆森泰職並予

加責示懲

上諭軍機大臣曰成衮扎布等奏稱三等侍衛穆森泰向哈薩克勒買馬匹私許物件並未給與又蒙古密濟特勒索哈薩克馬匹許給倭緞亦未交付除將伊等原索馬匹交前來之哈薩克額德格等轉給本人外穆森泰請交部嚴加議處密濟特請加責等語前經降旨哈薩克帶來馬匹官定價值

不許私相貿易乃侍衛穆森泰輒敢私換馬匹所  
許之物又不給與甚屬不堪即穆森泰所稱給過  
羊隻並銀三十兩之處亦未可信伊如果給過銀  
物哈薩克等何以又索取轡頭等項且哈薩克豈  
有以馬二匹換羊二隻之理顯係穆森泰婪索賂  
檢捏造虛言冀圖掩飾成衮扎布等不行細加詰  
問僅請交部議處何足示警穆森泰著革去侍衛  
即於該處枷責以昭炯戒並傳諭成衮扎布等俟

哈薩克到時即諭以我處官員因私換爾等馬匹  
具奏大皇帝治罪倘爾等捏詞陷害亦必從重辦  
理斷不寬恕仍即將穆森泰勒索馬匹給還其蒙  
古密濟特著照所奏加責

命議敘承辦伊犁屯田事務官員

上諭軍機大臣曰明瑞等奏稱今年伊犁綠營兵丁  
耕種地畝所收米麥胡麻各項俱較上年分數倍  
多可否將種地官兵加恩之處候旨等語著照所



欽定四庫全書



平定回疆方略  
卷二十三

十一

請將辦事官員交部議敘兵丁等照例賞賜以示

鼓勵

申諭成袞扎布等曉示哈薩克哈喇巴魯克來使即

行遣回

上諭軍機大臣曰成袞扎布等奏稱據扎拉豐阿咨  
稱有哈薩克十八人前來獻馬隨令筆帖式阿林  
保詢得來使七名跟役十一名貢馬九匹并獻出  
從前令哈喇巴魯克帶去厄魯特六戶等語昨成

衮扎布等將哈薩克哈喇巴魯克遣使前來具奏  
即降旨曉諭遣回今扎拉豐阿既將來使送至烏  
里雅蘇台著成衮扎布等仍遵前旨曉諭遣回所  
進馬匹及六戶厄魯特令其帶回若情願存留即  
作成衮扎布意見照貿易馬匹及收贖厄魯特之  
例折價給與再阿布賚給哈喇巴魯克之托忒字  
文憑繙譯閱看乃哈喇巴魯克奏文哈喇巴魯克  
係小頭目不應奏事應交成衮扎布等一併曉示

來使知之

命陝甘總督楊應琚酌辦運送伊犁茶封

上諭軍機大臣曰據明瑞奏內地存貯茶封現在運  
送口外散給官兵於鹽菜銀內坐扣但伊犁兵丁  
俱帶有家口及厄魯特回人等需用甚多可否於  
現送二萬包之外增送數千包等語伊犁官兵需  
茶甚多自應寬裕運送以資食用著傳諭楊應琚  
酌量辦理並將茶封成本每包計值若干自甘省

運至伊犁腳價若干其給發官兵坐扣鹽菜銀兩  
果否數用詳查具奏

庚辰

恩賞阿克蘇阿奇木伯克散秩大臣色梯巴勒氏公

品級

上諭軍機大臣曰阿克蘇阿奇木伯克散秩大臣色  
梯巴勒氏前隨將軍兆惠出兵曾經奮勇効力著  
加恩賞給公品級以示酬庸之典

議覆移駐新疆巡檢事宜

軍機大臣奏言據旌額理等奏羅克倫昌吉二處種地兵丁已陸續移駐其辦事之官亦應隨兵遷移請將羅克倫巡檢移駐特訥格爾歸烏魯木齊同知管轄昌吉巡檢移駐呼圖畢歸昌吉通判管轄應如所奏辦理其巡檢圖記既經改設請令旌額理擬定字樣交禮部鑄給奏入報

聞

十二月己丑

定邊左副將軍成衮扎布等疏奏科卜多修造

城垣事宜

成衮扎布等奏言據科卜多叅贊大臣扎拉豐  
阿咨稱科卜多地方商販漸多又建有倉庫應  
即遵

旨修城給兵民居住現在烏里雅蘇台貯米甚多一

欽定四庫全書

平定回疆方略卷二十三

十九

切官兵支給本不專藉科卜多所收糧石其種地之綠旗兵四百名似尚有餘力請於此內酌派八十名委員監視修城兩年之間可以告竣既於屯田無悞而城工又得修葺實為兩便等語查科卜多修城從前酌定於屯田之暇舉行今扎拉豐阿欲於綠旗兵內撥派趕辦原為約束兵民起見應如所咨辦理奏入報

聞

庚寅

申諭阿克蘇辦事都統侍郎海明等訊審索倫逃兵  
上諭軍機大臣曰前據海明等奏拏獲索倫逃兵額  
伊勒木保審擬治罪朕即降旨令將額伊勒木保  
訊明如果葉爾羌等處有伊繫戀之人事涉無恥  
應較尋常逃犯加倍治罪若係一時愚昧並無別  
故則照常例治罪今海明等仍將額伊勒木保照  
前擬絞監禁阿克蘇秋後處決辦理殊不明晰或



欽定四庫全書

卷二十三

尚未接到朕旨亦未可知著傳諭海明等務遵前  
旨審出實情定擬具奏

壬辰

命賞總兵丑達副都統銜往庫倫辦事

癸巳

諭定邊左副將軍成袞扎布等曉示哈薩克人衆毋  
許與烏梁海貿易

上諭軍機大臣曰成袞扎布等奏稱哈薩克已勒圖

比爾等因阿布賚令向烏梁海內大臣察達克講  
和并稱係貿易商人攜帶牛馬來至額爾齊斯地  
方已經察達克之子烏爾圖納遜盤詰逐回應請  
俟哈薩克人到京時降旨飭諭毋得擅入邊境等  
語哈薩克人貪鄙性成其屬下人衆聽其往來難  
免盜竊爭鬪之事成哀扎布等嗣行驅逐辦理甚  
妥著傳諭成哀扎布等嗣後再有貿易人來應交  
察達克圖布慎諭以內地商人俱在伊犁烏魯木

齊爾等若欲貿易自可前往且此間並無管理貿易之員萬一滋生事端亦於爾等無益是以將軍等禁止貿易諭畢遣回并將此交軍機大臣於哈薩克人到京時亦照此明白曉諭之

甲午

命布政使富明安往巴里坤辦事更換溫敏回京

己亥

巴里坤辦事原任巡撫鍾音等疏奏安設腰站

事宜

鐘音等奏言臣等所管巴里坤臺站由洮齊站起至那呼站止相隔一百四五十里因俱係戈壁並無水泉故未設立腰站今委員踏看掘出井水二處請即於井旁各蓋房三間從別站內通融派兵四名馬八匹分交二處作為腰站一應馳遞事件益覺迅速而人馬俱免疲乏奏入

報

欽定四庫全書

平定回疆方略卷二十三

聞

壬寅

命議敘喀什噶爾辦事道員固世衡

上諭軍機大臣曰據納世通等奏稱道員固世衡在喀什噶爾辦事奮勉實屬稱職應請旨交部議敘等語固世衡實心辦事殊為可嘉著加恩交部議敘

命以發遣烏魯木齊種地兵丁綽勒們等歸入綠旗

營缺

上諭軍機大臣曰旌額理等奏稱發遣烏魯木齊屯田有罪兵丁綽勒們等一百九十一名自到烏魯木齊後各奮勉耕種甚屬安分請入於攜眷駐防之綠旗兵內俟內地各營缺出陸續坐補等語著照所請交楊應琚俟各營有缺額兵丁即令綽勒們等坐補俾得自新以觀後效

烏魯木齊辦事侍郎副都統旌額理等疏奏募

欽定四庫全書

平定縣志 圖方略 續編  
卷二十三

三

種地畝俱獲豐收情形

旌額理等奏言烏魯木齊招募民人六百餘戶  
所種地畝本年俱得十分收成查去歲因遇鼠  
災蒙

恩賞給籽種口糧以資接濟現今已獲豐收理應交  
納但民戶甫經安插生計未充臣等仰體

聖意將所借之項酌量緩徵以紓民力嗣據民人張  
國寧等一百五十六戶呈稱明年所需籽種口

糧業已存貯請將所借官項即於本年交還情  
辭懇切此皆小民等感戴

天恩是以不待督催急公完辦臣等因准其所請收  
納貯倉訖奏入報

聞

乙巳

議雅爾地方築城駐兵事宜

伊犁將軍明瑞等奏言臣於去年面奉



諭旨令籌辦塔爾巴噶台駐兵之事臣到彼留心詳  
看於塔爾巴噶台山陽雅爾河以東之古爾班  
喀喇烏蘇地方立木為築城記號伏查卡倫馬  
廠共需馬兵一千五百名屯田綠旗兵五百名  
原議週圍安放卡倫二十一處每處派兵二十  
五名約共需兵五百餘名此項卡倫與哈薩克  
交界甚近而去伊犁雅爾河二處近者二三百  
里遠者千里派兵往守有鞭長莫及之勢恐不

足以資防範臣等愚見與其將兵五百名分於各處莫若停止週圍所放卡倫以集兵力而令屯田兵丁俱駐劄雅爾城再留馬兵三百名在城照管貿易所餘之兵即交領隊大臣裹帶口糧於週圍地方從容巡查方為有益至雅爾城既經駐兵與伊犁往返文移必須設立臺站請自額敏河沿至巴爾楚克沁達蘭三處每處駐兵三十名設大卡倫三座其庫克托木嶺等處

欽定四庫全書

平定回疆方略卷二十三

三十五

卡倫或酌量安設或照舊展放所需兵丁俱於相近地方輪班派出如此則塔爾巴噶台週圍聲勢相接而哈薩克懾我軍威自不敢潛來游牧至所需之兵若從伊犁挈眷兵內派往恐伊等於軍務未能習練若從打牲索倫兵內派往則須明年方能全到游牧未定亦有不便應請派京兵黑龍江兵或

盛京錫伯兵前來駐防方為妥協此項兵駐劄三

年至換班之時即可就近選派停止內地發往  
再現今烏魯木齊駐兵較多於巴里坤請將烏  
魯木齊巴里坤辦事大臣撤回其巴里坤提督  
移駐烏魯木齊烏里木齊總兵移駐巴里坤至  
從前所放卡倫侍衛十一員仍舊遣回分在伊  
犁塔爾巴噶台駐劄以備差遣尤於地方有益  
奏入得

旨軍機大臣議奏尋議塔爾巴噶台與伊犁相接若

欽定四庫全書

卷二十三

三

不築城駐兵設放卡倫巡查游牧則西北兩路  
聲勢不能聯屬今明瑞等相度形勢詳定具奏  
臣等按圖細閱其築城及設放卡倫之處俱合  
機宜應如所奏辦理至雅爾地方明年築城則  
塔爾巴噶台後年即需駐兵其時挈眷移駐伊  
犁之滿洲索倫察哈爾兵尚未全到若自京城  
黑龍江等處再行派往未免繁瑣應將築城事  
務改於三十年辦起俟三十一年移駐伊犁之

兵各已到齊再照原議酌選精壯令其駐防塔爾巴噶台如謂移駐伊犁之兵不足自應將內地兵丁酌量派往查熱河有達什達瓦部厄魯特兵六百名應派出五百名喀喇和屯有滿洲蒙古兵二千名應派出一千名又

盛京有錫伯兵四五千名應派出一千名俱於明春挈眷遣往伊犁再塔爾巴噶台駐兵之後哈薩克不至烏魯木齊貿易明瑞等所請撤回大

欽定四庫全書

平定回疆方略續編

卷二十三

三

臣改駐提督總兵及分派侍衛之處度量事勢  
俱屬可行應令與楊應琚等公同酌辦奏入得  
旨雅爾地方築城駐兵應專派大臣鎮守伊犁所有  
將軍大臣甚少既令巴里坤提督移駐烏魯木齊  
即將烏魯木齊大臣移駐雅爾巴里坤既改駐總  
兵則巴里坤大臣可以全行撤去至出派熱河兵  
丁時所有樺榆溝駐兵二百名盡行派往再於喀  
喇和屯兵內揀派八百名餘依議行

丙午

諭護送哈薩克來使之侍衛拉卜棟阿迅速進京

上諭軍機大臣曰明瑞等奏稱哈薩克阿布勒比斯等遣使策伯克等七人隨役五名已派三等侍衛拉卜棟阿等伴送京城等語著傳諭拉卜棟阿帶領來使能於明年正月十五日以前到京甚好遲則十九日亦可若二十五日以前不能到來即具摺奏聞亦不可令來使中途過於勞苦將此並寄



知駐劄烏魯木齊哈密大臣等如來使馬匹疲乏  
酌量更換俾得行走迅速早抵京師

丁未

命副都統綽克托往烏魯木齊辦事更換旌額理回  
京

平定準噶爾方略續編卷二十三

欽定四庫全書

平定準噶爾方略續編卷二十四

乾隆二十九年正月甲寅

上御紫光閣

賜博洛爾沙瑚沙默特來使呼達瑪瑪特等宴

己未

葉爾羌辦事副都統額爾景額等疏奏葉爾羌  
等城折布餘糧改徵本色事宜

額爾景額等奏言臣等准伊犁將軍咨稱伊犁  
所需棉花無多每年止須辦送數千觔其餘盡  
送布疋等因查葉爾羌和闐餘糧折布每年應  
送四萬疋庫內新錢所買又應有十萬疋現在  
乾隆二十九年應送布十萬疋尚有三萬疋未  
經運送此項貯庫布疋不無朽壞而葉爾羌和  
闐回人所納糧石僅敷官兵一年之用如遇歉  
收恐有不繼請將二城餘糧折收棉花除辦送

伊犁三千觔外其餘仍令交納本色貯倉俟將來伊犁需用棉花之時再行停止交糧折收棉花送往奏入得

旨如所請行

乙丑

諭各城駐劄大臣等飭禁兵丁毋得收留掠獲婦女上諭軍機大臣曰額爾景額奏稱海明遵旨嚴訊索倫披甲額伊勒木保葉爾羌有無繫戀之人今查

出委署章京星噶勒圖等所留掠獲厄魯特回人  
婦女塞卜騰等據供額伊勒木保在阿勒楚爾等  
處掠獲回婦庫圖什攜至葉爾羌生一子因撤兵  
時不肯從行遂攜庫圖什逃往阿克蘇已將塞卜  
騰等四人解送質對等語前鍾音海明等奏稱額  
伊勒木保因毆伊族叔畏罪脫逃朕即謂情節未  
確今果不出所料額伊勒木保仍照前擬絞監候  
秋審入於情實所掠回婦庫圖什與查出之塞卜

騰等俱著解送伊犁賞厄魯特為妻從前進兵時  
因準噶爾素習暴橫無恥故於兵丁掠獲婦女未  
經深究今全部平定各處駐兵豈可仍蹈前轍著  
傳諭各城大臣嚴飭所屬兵丁嗣後遇此等情事  
一經察出即重治其罪額爾景額接准卞塔海咨  
文即交舒泰等查究舒泰等亦能即行查出俱屬  
可嘉著加恩獎賞以示鼓勵

丙寅

欽定四庫全書

平定回疆方略續編

卷二十四

三

伊犁將軍明瑞等疏奏酌辦移駐回人事宜

明瑞等奏言准卡塔海等咨稱現在移駐伊犁  
種地回人一千五百戶陸續起程每百戶為一  
隊隔兩日令一隊起程派侍衛伊柱駐塔木噶  
塔什照看過穆素爾嶺侍衛富昌羅納布率領  
伯克等於噶克察哈爾海按隊查點俟回人全  
行過嶺令伊柱會合富昌前後分管知會到臣  
臣查乾隆二十六年伊犁甫經開墾阿桂恐遣

往回人或有所脫逃因令豐訥亨帶兵防範今仰荷

天恩伊犁已成樂土回人聞風欣悅此次移駐回人由阿克蘇派出各員已足敷用不必再由伊犁派兵往迎臣等酌量每隊派熟悉水草兵丁二名赴噶克察哈爾海帶領行走並照管渡河俟各城回衆全到時臣等按其地利編設屯庄量給籽種牲畜續行具奏奏入報



聞

辛未

飭諭伊犁將軍明瑞等移駐伊犁之涼州莊浪兵丁  
錢糧毋庸拘泥內地成例并量給地畝學習耕  
種事宜

上諭軍機大臣曰明瑞等奏請將移駐伊犁涼州莊  
浪兵丁辦給鹽菜銀兩外應給之糧仍照內地一  
半給與本色一半折價又兵丁馬匹夏秋牧放冬

春牧放四分官員馬匹四季牧放四分其餘概令  
拴養所需米麪豌豆照巴里坤烏魯木齊之價酌  
中折給仍於每石添給零數以符內地倉石經軍  
機大臣等議准但明瑞此奏於朕移駐兵丁本意  
全未知悉滿洲八旗從來敦尚本業以技勇爲務  
原無奢侈靡費之事近來各處駐防漸染漢人習  
氣是以令其遠移俾習於勞苦庶還淳樸之舊既  
已遷移則應給之項亦應照所駐地方酌辦乃拘

欽定四庫全書

卷二十四

五

於內地成例纖悉計算而糧價不敷又欲增添折給實覺過優朕意伊犁地甚肥饒如田畝有餘仍酌量分給滿洲兵丁令其學習耕種更為有益著俟兵丁到齊後定議具奏現在所議糧價著照烏魯木齊價折給伊等果得地耕種一二年後所給銀米俱應停其給放餘俱如所議行

壬申

命尚書舒赫德挑選熱河另記檔案兵丁移駐伊犁

上諭軍機大臣曰據額爾登額奏現在遵旨於熱河等處挑選滿洲蒙古兵一千名移駐伊犁查此項兵丁除另記檔案外共有一千三百名若於此內挑出千名所餘俱非出色之兵再從京師派來補缺兵丁於隨園事宜亦未熟練每年巡幸之時外藩部落咸來瞻仰殊有關係似未可以此項兵丁頂備差使查另記檔案兵丁六百零四名在旗年久諸事熟習請於此內一體揀選派往經軍機大

臣議此項另記檔案兵丁係已經出旗之人毋庸  
揀選但派往伊犁俾伊等世世受恩自當踴躍從  
事請降旨額爾登額詳議酌辦其管領之協領佐  
領驍騎校等官悉照涼州莊浪移駐兵丁之例派  
往此項兵丁四月間始能起程計到烏魯木齊時  
天氣已寒查涼州莊浪頭起兵丁於春季起程遺  
有房屋可以居住請令熱河兵丁到彼暫行歇息  
俟明年起程仍行知嵩椿將由西安往駐涼州莊

浪兵丁暫行停止等語此項另記檔案兵丁久應  
出旗為民朕憐其生計艱難加恩仍令食糧俟出  
缺後裁汰今如所議於伊等生計頗有裨益但其  
中不願派往者未必無人著舒赫德新柱前往熱  
河詳悉詢問願往者即行派出其或不願遠行即  
令出旗為民不必勉強

乙亥

議派移駐塔爾巴噶台兵丁事宜

軍機大臣奏言據

盛京將軍社圖肯等奏稱遵

旨於

盛京錫伯兵內挑選一千名挈眷移駐塔爾巴噶  
台應照索倫兵丁之例選派佐領十員驍騎校  
十員約束管理但原管錫伯兵丁向止二員且  
已年老請另選防禦十員驍騎校十員帶領兵  
丁出章古台由臺站前往仍請交理藩院照例

派筆帖式二員領催二名送至烏里雅蘇台至  
官員兵丁應領俸餉約須銀十萬兩就近於

盛京戶部支領再臨期每起另添派協領城守尉  
一員章京四員前鋒一百名照看約束送至邊  
門等語臣等酌議從前索倫察哈爾兵移駐伊  
犁派有總管協領大員直送至該處今社圖肯  
所奏選派官員送至邊門並未計及長途護送  
之人應令派城守尉協領各一員送至伊犁其



章京四員前鋒一百名不必派出再所奏官員  
兵丁俸祿銀兩俱與原議相符應准其照例辦  
理奏入

上從之

己卯

命陝甘總督移駐蘭州并酌改營制事宜

上諭軍機大臣曰今日召見常鈞詢及陝甘二省情  
形據奏督臣遠駐肅州距西安甚遠凡遇考驗官

弁諸務往返動逾兩月且其所屬有司有經年不能識面者揆之控制事宜均多未便其言甚切事理朕意陝甘總督駐劄肅州原因前此辦理軍需不得不就近調遣今大功久已告成而巴里坤烏魯木齊等處屯田章程亦經大定現在更無要事必須在肅督理若準其道里適均之地將總督移駐蘭州撫署則東至省城西至甘肅程途約略相等一切官方吏治皆可居中統攝無庸更設巡撫

規制實為允協其安西緣邊屯政即有應行勘驗者每隔一二年出巡一次自不患鞭長莫及至督標所轄五營向駐西安自當畫一改正或將固原提督移駐西安即將督標舊轄改為提標將涼州總兵移駐固原管轄其涼州鎮標則撥督標中軍副將一員統率并蘭州撫標一體改為督標管轄似此調劑則一舉數善皆備再西安省城近居腹地況有滿洲官兵駐防其督標議改提標弁兵或

可酌量裁減以歸實用並著傳諭楊應琚令其通盤籌畫詳議覆奏候朕降旨尋議蘭州舊撫署改為督署無庸更設巡撫原設撫標改為督標西安督標改為提標即令固原提標移駐再將河州鎮總兵改為固原總兵奏入

上從之

二月癸未朔

諭酌派管領熱河移駐伊犁兵丁大員及辦裝各事

欽定四庫全書

平定回疆方略續編  
卷二十四

宜

尚書舒赫德奏言現在派出移駐伊犁之厄魯特官兵起程前往交臣等詳議具奏伏查軍機大臣議厄魯特兵前往伊犁由邊外行走一切應得之項俱照從前遣往之察哈爾兵例一體給與銀兩口糧惟是從前帶領察哈爾兵之官員等送到即回是以僅照索倫官員例給與一年俸祿按照品級給與馬匹及鹽菜銀兩不給

駝隻今此次挈眷移駐情形又復不同似應給  
與駝隻但與伊犁水草不甚相宜臣等酌議改  
給牛一隻馬一匹於孳生牧羣挑用外尚少牛  
四百餘隻馬二千匹應交察哈爾都統巴爾品  
於牧羣內酌量添補並派響導帶領行走至熱  
河滿洲官兵亦照軍機大臣原議與涼州莊浪  
之滿洲官兵一體給與俸餉銀兩查涼州莊浪  
官兵每步兵二人合給車一輛家口每三名亦

欽定四庫全書

平定州志  
卷二十四  
續編

十二

給車一輛每戶又給裝載什物車一輛臣等酌  
議此次官員等每家口四人給車一輛每戶給  
裝載什物車一輛兵丁等每戶給車一輛兩戶  
合給裝載什物車一輛已足數用再官員等現  
應支給之項業經辦給其兵丁應給銀兩酌留  
三分之一與給賞跟役之銀現在俱不必給發  
俟明年由伊犁前往雅爾令將軍等照數給與  
庶免中途花費以上厄魯特官兵及熱河滿洲

官兵現在應給之項約計五萬餘兩請於熱河  
道庫動支給發俾伊等料理於三四月間起程  
奏入得

旨移駐伊犁兵丁雖有厄魯特總管等官帶領沿途  
無一大員不能統束著派護軍統領烏爾登送往  
伊犁交代後仍著回京具在京往伊犁之厄魯特  
等即交烏爾登帶至熱河再厄魯特官兵應得馬  
二千餘匹牛四百餘隻及預備添補馬牛若自己



爾品處送至熱河未免長途疲乏應令緩行迎至  
伊等所經路口等候俟厄魯特官兵到時撥給再  
派出之厄魯特官兵所欠孳生官店價銀四百餘  
兩著加恩豁免餘依議

庚寅

命定熱河移駐伊犁官兵俸餉各數

上諭軍機大臣曰現在伊犁官員皆給半俸兵丁每  
月支錢糧一兩熱河官員向例按其職銜減一等

給與半俸今令伊等移駐伊犁應與現在伊犁者  
一例著加恩准支半俸不必減等至兵丁在熱河  
時支錢糧一兩五錢此時甫經移駐未免生計尚  
艱著仍照原數并給以孳生牲隻俟將來缺出挑  
補之人方照察哈爾厄魯特兵丁例月支錢糧一  
兩烏爾登到彼時即明白曉諭仍交明瑞等遵照  
辦理

甲午

諭伊犁將軍明瑞等預備兵丁營房

上諭軍機大臣曰前據明瑞等將雅爾地方修城駐  
兵事宜具奏經軍機大臣議揀發熱河滿洲兵達  
什達瓦部之厄魯特兵盛京錫伯兵約計二千五  
六百名現在各令挈眷陸續起程朕意除厄魯特  
兵習慣游牧不妨暫住帳房至滿洲錫伯兵共有  
二千伊犁雅爾地方未必有如許房屋可以存住  
理應預先備造再雅爾駐兵若派現在伊犁兵丁

則此挈眷移駐之兵即可住伊犁兵丁空閒房屋  
若即派此次挈眷移駐兵丁則雅爾亦須預造房  
屋以備兵丁到時居住前雖議奏准行若不明白  
指示明瑞或未能籌及著傳諭明瑞酌量定擬具  
奏

乙未

命副都統觀音保更換叅贊大臣愛隆阿來京

上諭軍機大臣曰愛隆阿伍岱久在軍前此次遣往

欽定四庫全書

平定津門兩方略續編

卷二十四

十四

伊犁又將二載應派員更替伍岱精力尚壯著再  
留一年昨遣觀音保前往伊犁著即留該處更換  
愛隆阿來京

壬寅

以誤辦節省車價彌補兵丁欠項

訓飭陝甘總督楊應琚仍令酌量緩扣

上諭軍機大臣曰據楊應琚覆奏涼州莊浪兵丁欠  
項請以節省車價彌補一摺所奏殊乖事理車價

既係官辦自當核實動用所用既已實銷所餘即應實貯安得名為節省譬如辦理工程估報之初數必浮多及至奏銷自必核實為準豈可按照所估之數遽謂此非官項朕於兵丁加恩優卹即如熱河移駐兵丁所有未完之項現俱豁免豈於該處獨為吝惜但伊等身為滿兵飼牧馬駝不知謹慎致倒斃之數較綠營更甚若一概免賠誰復知所懲創況伊等往駐伊犁錢糧已屬寬裕自可從

欽定四庫全書

平定回疆方略續編

卷二十四

十五

容完項姑念遷移之始力量未足不妨展限扣除以示體恤著傳諭楊應琚現在整裝啟行祇宜照常支給將此文與伊犁將軍酌量二三年後伊等可以坐扣時奏明請旨分年扣補已有旨諭明瑞矣

己酉

陝甘總督楊應琚疏奏運往新疆茶封條價情形

楊應琚奏言臣於上年十二月內奏覆伊犁茶封如數運往其茶價於該處官兵鹽菜銀兩內扣抵一摺於本年正月十六日奉到

硃批此係有益官兵之舉但官項雖多節省而陳茶變價較此為何如所奏尚未明晰也臣伏查向來甘省商人交納官茶如遇庫內存積過多即請收徵折色每封收折價銀三錢若庫貯無幾仍請徵收本色自乾隆七年議定徵收本色至二



十四年即積至一百五十餘萬封陳陳相因易致霉汔續經奏准調劑茶務或搭放兵餉或招商售變亦以三錢為率現在新疆需茶甚多將官茶運往搭支亦照內地搭放官兵之例每封扣銀三錢並將腳價攤入茶本之內於官兵應領鹽菜銀內扣還較之買自商人實多減省是官茶運至新疆各處除應扣腳價外其應扣茶本亦係每封作價三錢與內地搭放官兵暨招

聞

商售變均屬一例但內地係零星銷售而新疆各處係成總發運且使遠駐官兵同沾利益免受居奇較之內地陳茶變價大有裨益奏入報

議在京厄魯特官兵移駐起程及優給領兵大臣事宜

軍機大臣奏言臣等會同八旗大臣等查出在京厄魯特官兵願往伊犁者共六十五人除台

欽定四庫全書

平定回疆方略續編

卷二十四

十七

吉宰桑之子十九人及現在當差之人不遺外  
其餘二十五人准其移駐應得之俸祿口糧與  
熱河厄魯特一體給與但由熱河給發則現在  
起程未免拮据請將官員俸祿及兵丁餉銀三  
十兩於京師先行給發其餘至熱河補給即交  
派出之烏爾登帶往熱河其自京至熱河交兵  
部直隸總督照滿洲蒙古兵丁行走之例給與  
驛站車輛再從前派出索倫察哈爾兵丁之總

管等各給俸銀一年駝二隻馬十匹跟役十四  
人官員每月鹽菜銀八兩跟役鹽菜銀五錢賞  
銀二兩今烏爾登係護軍統領應再借俸一年  
加給駝一隻馬三匹每月鹽菜銀四兩伊等回  
程應令馳驛奏入報

聞

三月乙卯

諭伊犁將軍大臣等次第挈眷駐劄

上諭軍機大臣曰據明瑞等奏稱臣現駐伊犁辦理  
將軍事務若蒙恩留臣多効力數年臣情願挈眷  
駐劄其叅贊領隊大臣等現在奏請挈眷者如蒙  
俞允請酌其得暇時不拘先後料理起程等語所  
奏甚是伊等輪替來京領朕訓旨後即可攜眷前  
往著派阿桂往署伊犁將軍事務阿桂到後即令  
明瑞來京挈眷再令阿桂回京昨命觀音保往伊  
犁更換愛隆阿今愛隆阿願挈眷再往著照所請

行觀音保仍以領隊大臣行走但阿桂未能即赴伊犁而鄂津伊勒圖伍岱各以挈眷奏請著交明瑞等酌定先後分班來京順帶家口回至伊犁該處挈眷官兵甚多今各大臣亦遷移家口可為官兵標準甚屬有益但路遠費多恐力有不及著准其馳驛前往在內地交兵部及各省督撫辦理口外著楊應琚酌量辦給馬駝帳房器什以利遠行而示體恤

思免索倫兵丁扣賠借用官駝十分之五仍展限緩

扣

上諭軍機大臣曰據明瑞等奏索倫總管諾們察領兵五百名至烏里雅蘇台因馬力平常借官駝二百五十隻沿途倒斃一百五十隻應於伊等月糧內坐扣賠補可否懇恩酌定分數寬免等語此項倒斃駝隻例應賠補但因攜帶家口以致疲乏著加恩寬免十分之五其應賠之項若即令坐扣未

免拮据著俟一年後再行扣補將此傳諭明瑞等  
遵行

諭伊犁將軍明瑞等核定厄魯特餘丁補缺之例

上諭軍機大臣曰伊犁厄魯特兵食錢糧者止二百  
名餘丁皆官給孳生牲隻今自熱河移駐之達什  
達瓦尼魯特兵五百名其中食錢糧者多而餘丁  
無幾似覺厚薄不均但達什達瓦屬人受恩已久  
設該旗錢糧缺出亦准伊犁厄魯特餘丁挑取伊



等又覺生計稍艱著傳諭明瑞俟阿桂到時會同  
查明兩處餘丁數目通融籌算將來伊犁餘丁如  
何酌增實在錢糧之處定議辦理具奏

辛酉

命副都統勒克挈眷駐防伊犁

上命軍機大臣曰前曾降旨涼州留副都統一員莊  
浪留城守尉一員管束西安移駐兵丁但伊犁移  
駐兵丁甚多應派大員管理興常著授為涼州副

都統勒克現在伊犁明年回時應帶第二起兵丁  
再往伊犁著照新疆大臣例攜帶家眷一同駐劄  
其將軍既已裁汰巴祿著即來京

癸亥

上躬耕藉田回宮是日哈薩克阿布勒瑪木比特使  
人亨集噶爾等十二人入

覲於午門外跪迎

聖駕

欽定四庫全書

平定縣志卷二十四

三

上溫語慰勞

賜冠服銀幣有差

乙丑

命新疆辦事佐雜人員歸駐劄大臣考核

上諭大學士曰明德奏新疆佐雜俸滿請交該處辦事大臣甄別移咨督撫辦理一摺佐雜人員既派往新疆辦事其人之優劣勤惰內地原無從深悉自應交該處大臣就近考核著照所請嗣後此等

人員遇有六年俸滿應行甄別者俱由新疆辦事大臣分別移咨督撫照例辦理該部即遵諭行

戊辰

諭直隸山陝等處督撫酌量筵宴夷使事宜

上諭軍機大臣曰據方觀承奏保定督署筵宴哈薩克來使呼岱巴爾氏等一事雖係按照往例但此等來使歲以為常非伊等部內特遣蘇爾統及大頭目等初次入覲可比所有經過地方只須留心

欽定四庫全書

平定縣志 卷二十四

照料給與日用口食無庸特設筵宴致滋煩費嗣後遇有必須加恩優待示以觀瞻之處另候朕特旨遵行著於各該督撫奏事之便傳諭知之

癸酉

命侍郎五吉會同叅贊大臣納世通審訊回人阿卜都喇伊木罪案

納世通奏言喀什噶爾伊沙噶伯克阿卜都喇伊木原係波羅泥都霍集占信用之人因大兵

臨城始行降附每令屬人赴外藩貿易漏洩內地事務又據阿奇木伯克噶岱默特告稱回人噶帕爾往霍罕貿易與彼處買賣頭目拜默特等言及前年為阿濟比之事大臣遣使索還侵地阿卜都喇伊木密遣親信屬人哈勒默特私向額爾德尼云此次內地人來專為阿濟比游牧並未帶有兵馬爾但在家坐候不必遠迎若索取侵地不妨應允將來給還與否再為商酌

欽定四庫全書

平定回疆方略卷二十四

三

等語又詢之阿奇木伯克素勒坦和卓亦稱其  
人難信臣等查阿卜都喇伊木生性奸詐其親  
屬頗多富足及現為伯克頭目者又其婿墨墨  
氏敏於邁喇木呢雅斯叛案内即已有名亦非  
安靜之人臣等愚見或令阿卜都喇伊木與阿  
克蘇伯克薩里對調或發往伊犁同木薩辦事  
庶不致滋生事端奏入

上諭軍機大臣曰此次入覲之伊沙噶伯克阿卜都

喇伊木據叅贊大臣納世通指名叅奏著派侍郎  
五吉馳驛前往審訊仍寄知經過各處大臣俟阿  
卜都喇伊木到時即行拏問并其跟役交待衛訥  
蘇會同看守五吉到時曉諭回衆人等阿卜都喇  
伊木因有事被叅是以押赴阿克蘇質審與爾等  
無涉再訥蘇帶阿卜都喇伊木赴阿克蘇沿途務  
須嚴加看守勿令知覺自戕又

諭曰阿卜都喇伊木歸附以來朕因將軍大臣等保



奏加恩用為伊沙噶伯克茲來京入覲已悉其人  
居心叵測如噶岱默特所告其言果實豈可仍行  
調補應從重治罪示衆適詢問永貴亦言其人難  
信即應辦理又詢之陀穆齊圖據奏稱伊至霍罕  
額爾德尼並未遠迎則情節相符若不從重治罪  
不足以示懲創著五吉帶領陀穆齊圖往阿克蘇  
會同納世通審訊具奏納世通奉到此旨計五吉  
等將到即將應行詢問回人帶至阿克蘇對質如

情罪屬實阿卜都喇伊木著即正法仍降旨曉諭  
衆回人我大國之例凡私將內地事務漏洩與外  
藩者其罪即同反叛妻子亦應從坐因阿卜都喇  
伊木新經歸附將其家口免死查明解京至墨墨  
氏敏亦不可留於彼處著傳諭納世通俟辦理阿  
卜都喇伊木後與噶岱默特酌議再行解京辦理  
此外如有黨惡之人一體查明解送

甲戌

欽定四庫全書

卷二十四

平定回疆方略卷二十四

三十五

諭定邊左副將軍成袞扎布毋庸移駐科卜多

上諭軍機大臣曰據成袞扎布奏移駐科卜多一招  
經軍機大臣議科卜多現駐叅贊大臣修城屯田  
諸務已足敷辦理至卡倫諸事自應將軍管轄請  
令成袞扎布仍駐烏里雅蘇台其發往屯田兵丁  
請俟科卜多修城事畢再行酌派等語烏里雅蘇  
台係緊要之地糧餉馬匹牲隻甚多著成袞扎布  
不必移駐科卜多如科卜多尚需屯田兵丁亦可

另行酌調不必派烏里雅蘇台兵前往即傳諭成  
衮扎布等遵照辦理

戊寅

議安插伊犁挈眷兵丁事宜

軍機大臣奏言將軍明瑞等將熱河移駐伊犁  
滿洲兵需用房屋錢糧

盛京錫伯及厄魯特兵應給牲隻及錫伯兵編設  
佐領各事宜具奏臣等遵

欽定四庫全書

平定回疆方略卷二十四

三六

旨定議烏哈爾里克舊修綏定城房屋不敷居住現  
在伊犁河修城起屋熱河滿洲兵應即於此城  
駐劄現在屯田兵一千二百名今年更換請酌  
留六百名一同修城則十月內可竣其熱河及  
涼州莊浪滿州兵一處居住尤便約束應俱如  
所奏惟是熱河兵到期尚遙儘可從容成造不  
必催促務令堅固至所奏滿兵行糧前經尚書  
舒赫德等定議奏准其到後每年應得錢糧及

分地耕種撙節糧餉之處交明瑞等酌量辦理  
又

盛京錫伯兵及厄魯特兵應同索倫察哈爾一體  
游牧錫伯兵若需房屋亦令自行修造又官給  
孳生羊隻索倫察哈爾應給之項已奏明酌給  
外將來厄魯特錫伯兵照例每兵給羊二十五  
隻約計需四萬餘隻請將上年停止解送喀爾  
喀四部落之羊一萬八千隻交成衮扎布再辦

欽定四庫全書

卷二十四

卷二十四

一萬二千隻於兵丁等至烏里雅蘇台時交給帶往仍於哈薩克貿易內酌買一萬隻存留伊犁備用其錫伯兵丁應照索倫察哈爾厄魯特之例建立昂吉編設佐領約計一千名作一昂吉六佐領領催披甲分派各佐領下另於索倫滿洲大員內選派總管副總管各一人管束其佐領驍騎校各六名即於現往之防禦驍騎校二十名內選放如防禦內有可任副總管者亦

即令充補其餘官員仍食原俸當差俟缺出選  
補領催二十四名亦於現往之領催內挑選餘  
俱照察哈爾辦理所有昂吉佐領應給關防圖  
記請令明瑞等擬定字樣行文該部鑄給奏入  
上從之



平定準噶爾方略續編卷二十四

欽定四庫全書

平定準噶爾方略續編卷二十五

乾隆二十九年夏四月癸未

命定伊犁侍衛更換勸懲之例

上諭軍機大臣曰明瑞等奏稱現在伊犁聽差侍衛  
六員除素尼勒圖一員係効力贖罪不在按期換  
班之內其餘五員皆三年屆滿應請照例更換再  
侍衛六員內其三員係奏定額缺在京揀選餘三

員請從索倫兵內挑選給以虛銜頂翎令在卡倫行走一年更換分別等次頭等照常行走二等摘去頂翎三等斥革等語索尼勒圖効力甫及二年無庸即為更換其侍衛額缺三員在京揀選發往及虛銜侍衛分別勸懲之處俱著照所請行

乙未

議撤巴里坤卡倫事宜

巴里坤辦事侍郎鐘音等奏言查從前進兵巴

里坤為軍需要滙故於西北山一帶安設卡倫  
以護守牧羣防範逋逃今大功告成巴里坤已  
成內地臣等勘得東至呼濟爾台西至鄂什希  
四百里間共設卡倫十八處此內有通烏里雅  
蘓台歸化城闢展烏魯木齊等處大路者有貿  
易人等行走尚須巡查其餘皆非要地應請將  
卡倫兵丁撤回本營差操以歸實用奏入得

旨軍機大臣議奏尋議巴里坤地方現甚寧謐所有

遣犯皆知耕作牧羣亦不虞偷竊應如所奏將  
現通大路之卡倫三處酌留其餘槩行裁撤其  
裁撤之都司把總等官亦歸本營以資管轄庶  
差操得收實濟而浮費亦可節省奏入

上從之

庚子

諭伊犁將軍明瑞等優給新派厄魯特官員食俸

上諭軍機大臣曰明瑞等奏稱伊犁現有察哈爾厄

魯特官員辦事者俱照部咨給與全俸而陸續所  
派之察哈爾厄魯特止稱照前次派往之例發給  
並未聲明是否全俸近奉諭旨令將新派厄魯特  
官員俱照察哈爾例給與半俸辦理尚未畫一等  
語前次派往伊犁之厄魯特官員經軍機大臣議  
奏令照察哈爾例給與半俸並未將察哈爾辦事  
人員給與全俸世職人員給與半俸之處分別聲  
明是以諭令伊等至伊犁時一體給與半俸今詳

開明瑞等所奏及軍機大臣原議俱未明晰朕思  
現在伊犁之厄魯特官員業已給與全俸自不便  
無故裁減至新派之厄魯特官員亦俱歸附有年  
情願効力之人不應止給半俸著傳諭明瑞等將  
厄魯特五百戶內所有辦事及世職官員俱照察  
哈爾之例分別給俸於伊犁生計更有裨益并著  
傳諭烏爾登曉示厄魯特等知朕格外加恩之意

伊犁將軍明瑞等疏奏巴爾托輝築城造房事

宜

明瑞等奏言前臣等將遷來伊犁回人三千二十戶交阿奇木公木薩派往各處屯田惟令於巴爾托輝築一小城仍以伊犁河北固勒扎城為總匯蓋因回人素性愚昧安插甫定又事版築未免妄生疑懼是以姑緩籌畫今據木薩呈稱詳詢回人俱稱巴爾托輝地方泉甘土肥情願出力築一大城移往駐劄臣等詳勘形勢如



回人所種之地稍遷迤西可空出摩垓圖阿里  
瑪圖兩處水泉為滿洲兵丁屯田之用且伊犁  
喀什二水之間築一大城駐劄回衆則聲勢愈  
覺聯絡而於回人生計亦甚有益嗣後即再添  
人一二千戶亦自可容無須另辦請將伊犁河  
南海努克之二百戶河北固勒扎一千九百戶  
內之八百戶仍在原處駐劄其河南和濟格爾  
之二百戶河北固勒扎之一千一百戶巴爾托

輝之七百二十戶并續派呼倫貝爾兵丁一百  
戶共計二千一百二十戶俱令其駐劄巴爾托  
輝於今年屯田之暇先造住房明年再行築城  
奏入報

聞

丙午

以私逃回人不應遣歸本籍

訓飭伊犁將軍明瑞等

欽定四庫全書

平定軍機處方略  
卷二十五

五

上諭軍機大臣曰額爾景額奏稱明瑞等因派往伊犁屯田回人端索丕中途逃走即將回人阿卜都喇伊木補缺以端索丕之妻配給將端索丕發回葉爾羌移咨前來端索丕係私逃之人今仍遣回葉爾羌恐回人等相率效尤不足示懲請將端索丕賞給伊犁兵丁為奴等語額爾景額所奏甚是端索丕逃回本籍一經拏獲即應重加責處或賞給兵丁廢足以昭炯戒乃遣歸故土遂其本意所

辦殊出情理之外著將端索丕發往伊犁給兵丁  
為奴如再有逃匿生事之處即行正法明瑞等辦  
理未協著傳旨申飭嗣後諸務俱應加意妥辦

科卜多叅贊大臣雅郎阿疏奏賞給築城兵丁  
米石茶封

雅郎阿奏言前因叅贊大臣扎拉豐阿商辦築  
城事宜查屯田兵四百名內以二十名備造器  
具餘三百八十名除屯田外派出八十名築城

又於屯田兵三百名內派出三十人協助本年即可完竣但喀爾喀兵丁俱依水草離修城之地稍遠每日往還飲食不免需時有誤工作請將烏里雅蘇台庫貯米石茶封賞給接濟則兵丁飲食有資可以早集晚歸既免往返之勞而城工亦得速竣奏入報

聞

五月甲寅

諭喀什噶爾叅贊大臣納世通以伊犁官兵被害非  
實曉示布魯特

上諭軍機大臣曰據納世通等奏冲噶巴什布魯特  
阿瓦勒比稟稱去年伊犁有官一員帶兵七人至  
塔拉斯地方遇克特滿圖伯之布魯特盜竊哈薩  
克牲隻時當昏夜誤將八人殺害臣等隨交伯克  
噶岱默特差回人海連達爾往問冲噶巴什頭目  
車里克齊據云是布魯特尼沙比屬人所害又聞

人言是瑪木特呼里所害已令阿奇木伯克素勒坦和卓等向尼沙瑪木特呼里游牧索取戕害官兵人犯令其即行獻出從重治罪等語伊犁果有巡查官兵為外藩戕害明瑞豈有不知即知之豈不奏聞此事尚未可信納世通等遽行差人查拏殊屬鹵莽著傳諭納世通奉到此旨如所遣伯克尚未轉回即續派妥員將此事虛妄之處詳悉曉示令素勒坦和卓等速回

議烏里雅蘇台修城及添派兵丁事宜

軍機大臣奏言據成衮扎布等奏烏里雅蘇台  
舊城年久傾圯應行修築其工作等項請添派  
綠旗兵一百名前往等語查科卜多現在城工  
所撥綠旗兵一百名即係烏里雅蘇台派出至  
該處舊城傾圯請動工修築於收貯錢糧實為  
有益該處只有兵六十名看守倉庫尚屬不足  
自應酌復原額以資差遣其派出綠旗兵丁一



百名於宣化大同等處調取奏入

上從之

乙卯

命分別護送察哈爾兵丁等官員議敘議處

上諭軍機大臣曰明瑞等奏稱此次解送伊犁之察哈爾兵丁五百名所帶牲隻有駝馬全未損傷及馬匹倒斃未至一分者又有倒斃雖至二分其餘皆臃壯者請將該員等議敘其倒斃牲隻之數尚

未踰額總管成果應否議處請旨遵行等語著照所請將佐領巴里瑪特等交部議敘佐領巴圖蒙克等交部議處總管成果著免其交議

伊犁將軍明瑞等疏奏布魯特訛傳官兵被害情形

明瑞等奏言四月初十日據納世通等咨稱聞冲噶巴什布魯特等傳聞伊犁官兵八人被害等語查官兵果被戕害自當領兵進勦但現在

欽定四庫全書

卷二十五

九

並無此事惟去年伊勒圖巡查邊界回營告稱  
行至吹地方曾派三等侍衛品圖庫領兵十名  
前行遇布魯特數人將察哈爾兵丁一名用鎗  
刺透皮祆品圖庫等往擒布魯特見其頂翎卽  
下馬叩首告稱實係悞認為哈薩克人懇求免  
罪彼時因察哈爾兵丁並未傷損遂釋放遣回  
臣以此事尚無甚關係是以未經具奏奏入報

聞

丙辰

命治委署筆帖式雙官保疎脫逃犯之罪仍務獲逃

犯正法

上諭軍機大臣曰據卞塔海奏自伊犁解送葉爾羌之脫逃回人端索丕至圖巴喇克台經委署筆帖式雙官保派兵李彬送交下站現在李彬端索丕俱無踪跡請將雙官保革退委署職銜充當苦差俟拏獲李彬端索丕一併嚴審加等治罪等語雙

官保解送逃犯違例止派兵丁一名以致復逃實屬不職著照所請辦理李彬俟拏獲時審明有無情弊定擬至端索丕兩次脫逃情罪可惡且李彬被其戕害亦未可定既係回人必然潛匿原處著傳諭卡塔海額爾景額速即查拏務獲審明正法示衆

諭陝甘總督楊應琚遞奏尋常事件毋得動用驛馬上諭軍機大臣曰今日楊應琚奏到各摺俱係尋常

事件並不關係軍機自可不由驛遞著傳諭該督  
新疆軍務久已告竣其善後事宜亦俱辦有成效  
嗣後凡遇此等奏摺止須妥協弁役或家人等  
賫奏不得仍前動用驛馬致累臺站

戊午

葉爾羌辦事副都統額爾景額等疏奏安插無  
業回人事宜

額爾景額奏言據阿奇木伯克鄂對呈報有攜

欽定四庫全書

平定回疆方略  
卷二十五

十一

眷尋歸故土回人共一百八十餘名係前經霍集占之亂逃避遠出者此內葉爾羌回人七十  
三戶伊等親屬尚存其餘一百餘戶係喀什噶  
爾英噶薩爾之回人查明並無自伊犁逃回等  
情臣等伏思此項回人聞

聖主樂育之恩復歸故土應令仍於原處居住但伊  
等離散多年已無產業請給以田畝籽種仍仰  
體

皇仁暫緩徵收租賦俾得經理生計奏入報  
聞

辛酉

以新疆取用銀兩不行轉咨

飭諭巴里坤辦事侍郎鐘音等

上諭軍機大臣曰據鐘音等奏稱納世通等以從前  
永貴等奏准取用銀三萬兩陸續支用僅存九千  
餘兩請於哈密巴里坤二處各送銀一萬五千兩



備用隨以不能挪解咨覆等語喀什噶爾等處需銀原應楊應琚辦送若巴里坤存銀不敷鐘音等接到納世通咨文即應行知楊應琚今並不轉咨僅以空文塞責此皆外任推諉陋習鐘音溫敏著傳旨申飭仍傳諭楊應琚將應需銀兩即行辦理解送勿致遲悞

癸亥

喀什噶爾叅贊大臣納世通等疏奏霍罕額爾

德尼情形

納世通等奏言臣等前遣回人阿克伯克等往  
問霍罕額爾德尼拘留阿濟比及私取鄂斯賦  
稅等事據額爾德尼遣努爾默特比稟稱奉到  
來文詞意嚴切懇求勿信布魯特等妄言等語  
又所具呈文內稱因阿濟比與鄂斯人等不睦  
代為和解至鄂斯布魯特等並無頭目恐其離  
散暫遣五十戶前往居住雖一普爾不敢私取

其阿濟比呈文所言略同且稱額爾德尼已將所耕水田給還所遣五十戶亦經撤回等語臣等伏思額爾德尼與愛哈默特沙結好情本叵測今據阿克伯克等訪知愛哈默特沙為岱音沙所困不足倚恃又懾我

天威是以情詞恭順但狡猾之性日後難免復萌今既給還鄂斯水田撤去移住人戶似可暫免深求奏入報

聞

丁卯

命副都統宗室明普前往哈喇沙爾辦事更換達桑

阿回京

甲戌

議雅爾駐兵事宜

軍機大臣奏言據伊犁將軍明瑞等將雅爾駐  
兵各事宜列為六條具奏臣等遵

旨議覆一派屯田綠旗兵五百名請添派一百名  
除烏魯木齊派兵四百名外其二百名由三屯  
兵內抽撥此項兵丁應於冬春之交派大臣侍  
衛等帶領由齊爾擇雪少之路前往勤力耕作  
以餘暇築城務於兩年內竣事其應給之車輛  
牛馬口糧籽種器具應自烏魯木齊或伊犁備  
辦者如數預備又伊犁之索倫兵六百名烏魯  
木齊之一百名應於明年十月換班令回游牧

但冬令雪大須待春草生時方能行走請即以  
此七百名兵丁防護屯田烏魯木齊兵同綠旗  
兵前往伊犁兵於麥收以前由齊爾前往與烏  
魯木齊兵合隊行走將來新派一千五百名兵  
到時再行撤回一烏魯木齊庫爾喀喇烏蘇之  
察哈爾厄魯特三百餘戶原議移駐雅爾但綠  
旗兵行時正值雪後孳生羊隻難以牧放未便  
一同行走請量留幹練官一二員俟春草生時

欽定四庫全書

平定回疆方略卷二十五

十五

緩行前往至烏魯木齊尚有滿洲兵二百名應  
令與索倫兵同行既可學習技藝且益壯聲威  
如有由伊犁解往牲畜即可交伊帶送合併原  
隊俟於應撤之時一同撤回一雅爾既經築城  
駐兵哈薩克自必遠避但此等愚昧外藩惟知  
自便應酌派滿洲索倫兵九百名分東北兩路  
順便巡察有越境游牧者嚴行驅逐若有潛至  
烏梁海種地之華額爾齊斯等處游牧或有換

易糧米乘隙搶奪等情另請咨行烏里雅蘇台  
將軍成袞扎布禁止驅逐一兵丁沿途及到後  
口糧現在雖有牛馬車輛足敷裝載但牲隻專  
供屯田之用若遠行重載難免疲瘦請於伊犁  
通融辦交羊一千二百隻派兵解送合之烏魯  
木齊存剩羊三千餘隻分給各項兵丁則可稍  
省載運口糧牛馬皆有餘力於屯田有益一雅  
爾築城以後哈薩克商人必就近貿易此例一



開則所用緞疋銀兩既須從伊犁運送而所換馬匹牲隻又須送往伊犁殊為煩瑣請飭諭哈薩克商人俱向伊犁貿易其有攜帶牲隻數少者如雅爾有須補額之處亦仍令其交易但伊等路費既省其馬匹等作價應較伊犁少減一駐防兵丁原議用察哈爾今已添派錫伯請令明瑞等酌量派撥不必拘定未到之前波羅塔拉接放之一卡倫則另於伊犁派出馬兵暫駐

額敏河沿等之三大卡倫則即以滿洲索倫兵  
暫駐遞送伊犁雅爾兩處文移又所請侍衛十  
一員未到之前亦請暫行委派其所奏烏魯木  
齊舊印帶往雅爾鈐用之處似於體制未合請  
令明瑞等擬定字樣交部另行鑄給奏入  
上從之

議巴里坤提督移駐烏魯木齊事宜

伊犁將軍明瑞等奏言臣等前議雅爾駐兵後

哈薩克等不來烏魯木齊貿易請將烏魯木齊  
巴里坤大臣撤回將巴里坤提督改駐烏魯木  
齊烏魯木齊總兵移駐巴里坤經軍機處議奏  
欽奉

諭旨雅爾地方新築城垣安設兵丁理宜專派大臣  
駐劄著將巴里坤提督移駐烏魯木齊其烏魯木  
齊大臣即著移駐雅爾巴里坤既有總兵雅爾駐  
兵後巴里坤大臣即著裁撤臣等伏思巴里坤提

督烏魯木齊總兵自應於烏魯木齊大臣移駐  
雅爾之先互相調駐以便接辦事務今臣等酌  
請將雅爾屯田兵丁於本年十二月及來年正  
月令烏魯木齊大臣帶領行走其巴里坤提督  
移駐之期自應於本年十一月初旬由巴里坤  
起程並令烏魯木齊大臣與該鎮兵俱候提臣  
到彼交代庶於公務有裨奏入得

旨軍機大臣議奏尋議烏魯木齊大臣既帶官兵移

駐雅爾所有任內經手事務必須大員接辦後  
辦理起程應如明瑞所奏本年十月初旬令提  
督由巴里坤起程其烏魯木齊大臣及該總兵  
等均候提臣交代至烏魯木齊總兵移駐巴里  
坤及巴里坤大臣遵

旨裁撤並所有官兵馬駝等項交代辦理之處統令  
該將軍會議具奏奏入

上從之

丁丑

諭伊犁將軍明瑞等移駐雅爾厄魯特兵丁照伊犁

給發錢糧

上諭軍機大臣曰旌額理奏稱現駐烏魯木齊之厄魯特兵舊例每月給銀四錢五分單丁每月給銀三錢自給與孳生羊隻以來生計漸裕甚為得所請將所食錢糧停其支給等語此項厄魯特兵皆閑散餘丁所充現在伊犁等處者並未給與錢糧

欽定四庫全書

平定回疆方略卷二十五

七

旌額理等請裁甚是但厄魯特馬甲等在烏魯木齊者每月俱給銀九錢在伊犁者每月給銀一兩現將烏魯木齊庫爾喀喇烏蘇等處厄魯特兵移往雅爾城駐防所有錢糧應照伊犁兵丁加恩一體給發著傳諭明瑞等從伊犁至雅爾時遵照辦理其烏魯木齊佐領錢糧亦著照伊犁厄魯特佐領之例給發

六月乙酉

恩減葉爾羌貿易回人交官騰格

上諭軍機大臣曰額爾景額等奏稱從前因葉爾羌貿易回人離散所有交官稅額俱未計算現在有二百二十人投回葉爾羌各立產業請酌量定擬每年令交錢二千騰格今年已過四月請自五月起至十二月令交錢一千三百騰格等語從前霍集占肆逆回衆散亂全部蕩平數年內始投回立業此時若即照所定額數令其交官尚恐拮据著



加恩將所定今年應交錢一千三百騰格酌免五百嗣後每年俱令交一千五百騰格以示體恤

以誤行斥責報事之布魯特

飭諭領隊大臣副都統揚桑阿等

上諭軍機大臣曰據揚桑阿等奏薩爾巴噶什之比

車里克齊等以從前布魯特等妄報官兵被害前

來認罪因諭以內地妄報治罪之例斥責遣回等

語揚桑阿所辦非是外部之人一有所聞即行稟

知尚屬恭順若遽行斥責則將來雖有實事亦必  
畏懼不敢稟告此事本係該大臣等冒昧查拏於  
前茲復以斥責車里克齊為塞責之舉即傳斥之  
言亦未得體著傳諭揚桑阿等遇便諭知車里克  
齊阿瓦勒比等爾等所報前經具奏奉旨此係我  
大臣不行細心查究之過爾等所報雖虛並無不  
是之處嗣後凡有聞見無論虛實即行稟報如此  
明白曉諭庶足以釋其疑

壬辰

命增派伊犁種地回人

上諭軍機大臣曰據明瑞等奏現在涼州莊浪熱河  
移駐兵丁需用口糧除所存餘糧及本年秋收雖  
可多得二三萬石僅足補數年不敷之數未可遽  
以為羨餘請於此二年內挈眷兵未曾全到之時  
於各回城再派回人二千名赴伊犁屯田等語著  
照所請即行知各回城駐劄大臣酌量派往惟擇

其情願赴屯者不必勉強至從前所派回人該伯克等捐助資送此次所派俱著官辦起程毋庸協助併傳諭明瑞等知之

命酌裁總管臺站伯克

上諭軍機大臣曰據庫車辦事原任巡撫鄂寶奏稱從前新疆甫定設有總管臺站六品伯克令其約束臺站官兵回人今官兵回人漸已言語相通如有關毆細事各臺站筆帖式俱可即時辦理此項

欽定四庫全書

平定準噶爾方略續編  
卷二十五

三

伯克並無應辦之事請隨其出缺陸續裁扣等語  
著照所請行但各回城俱有總管臺站之伯克若  
無應辦之事自應一體裁扣其中或尚有需人辦  
事者仍准存留不必拘泥著傳諭各回城大臣酌  
量辦理具奏

辛丑

諭葉爾羌辦事副都統額爾景額等曉示素勒坦沙

事宜

上諭軍機大臣曰據額爾景額等奏拔達克山素勒坦沙遣使霍濟克蘭請給伊等齊特喇爾游牧及工匠人等又告稱愛烏罕人常來侵擾業經回文斥責并将原文及回文呈奏等語素勒坦沙妄思倣倖請給游牧並乞工匠殊屬貪詐額爾景額回文斥責甚是而詞氣尚覺太弱此事若額爾景額直以不便陳奏回覆可毋庸頒發勅諭今文內無此語似我大臣等並未具奏未免視同泛常著另

欽定四庫全書

平定準噶爾方略續編

卷二十五

三

繕勅書交額爾景額派員賈送曉諭再從前素勒  
坦沙稱額敏和卓為父今伊甫離葉爾羌素勒坦  
沙即呈告其過失甚屬不堪著將額爾景額奏摺  
及素勒坦沙之書俱錄寄額敏和卓閱看亦著作  
書交額爾景額轉寄素勒坦沙令知所警戒  
賜拔達克山素勒坦沙

勅書

皇帝勅諭拔達克山伯克素勒坦沙據葉爾羌駐劄

大臣進爾奏章及大臣與爾往復文書朕俱覽悉  
爾奏稱前此獻出霍集占首級意希重賞因道遠  
未得委曲陳奏又稱愛烏罕等時窺伺爾游牧齊  
特喇爾乃爾先世舊地因葉爾羌大臣聽沙瑚沙  
默特一偏之詞勒令給還懇恩查給并懇賞爾所  
屬萬人糧餉本年收取游牧數處請俱為天朝臣  
僕等語從前霍集占兄弟逃入爾地爾畏我大兵  
又利其所有始決計獻馘朕已優加賞賚而逆賊



所有資裝皆未索取獨非賞乎爾以獻馘為有功  
不思爾若再為容留尚能保爾游牧乎且年來遣  
使入覲賞賚尤多此次給還齊特喇爾游牧復加  
獎賞皆以爾恭順之故當益加謹恪若仍不知足  
是自取咎矣至愛烏罕等果窺爾游牧似非無端  
生釁即如爾奏收取附近游牧數處則爾之侵擾  
鄰封可知朕為天下共主一視同仁非於爾有所  
偏徇也齊特喇爾為博洛爾所屬在隼夷時為爾

舅氏沙瑪瑪特所據後沙瑚沙默特之祖恢復故  
地皆我大臣所深悉爾肆行攘奪尚應問罪因業  
已遵諭給還反加獎賞可謂寬厚之至而爾詭詞  
具奏豈以葉爾羌大臣新經更替謂可欺飾耶今  
駐劄大臣玉素富乃故哈密國王後裔豈不知回  
部舊事且前駐大臣吐魯番郡王額敏和卓日後  
仍來更替爾斯時又將何以為詞爾從前稱額敏  
和卓為父乃伊甫回游牧即詆其偏聽人言亦太

反覆矣爾所請萬衆糧餉以天朝之廣大何所吝  
惜但賞以酬勞非巧言可得爾之所屬未嘗與葉  
爾羌等處回人一體効力豈可無勞而獲賞哉朕  
念爾前功欲長加保護特降勅訓諭爾其循理守  
分勿萌傲倖無厭之心始可永承恩澤也勉之勿  
怠

葉爾羌辦事副都統額爾景額等疏奏布哈爾  
懇請內附情形

額爾景額奏言據拔達克山使人和濟克蘭稟  
稱素勒坦沙令我等告知今有布哈爾之諾羅  
斯伯克達雅爾伯克二人至拔達克山聞我等  
歸附

大皇帝身受重恩其汗阿布勒噶子等情願率屬歸  
阿因寄字素勒坦沙素勒坦沙覆以應向葉爾  
羌將軍大人請示等語臣等查布哈爾尚在拔  
達克山之外去葉爾羌甚遠其懇請內附必係

傳聞

聖朝柔遠之仁傾心向化否則畏懼外部侵擾欲仗  
天威懾服俱未可定但布哈爾果係誠心歸附儘可  
自到邊境稟告何必向素勒坦沙轉求恐係素  
勒坦沙欲藉為己功邀取

恩澤再或假借

聖朝威聲懾服布哈爾俱未可定若不明白曉諭則  
外部愚人未免受其挾制臣等因將

皇上體恤遠人不欲強令歸附之意詳悉曉諭並將  
希圖傲倖不能妄邀

恩賜之處委曲開導使之自悟如果布哈爾頭目阿  
布勒噶子遣使來附臣等詢明情由再行具奏

奏入報

聞

欽定四庫全書

平定準噶爾方略續編  
卷二十五

三

平定準噶爾方略續編卷二十五